

— -NWOMASUA A WOKASATIA

"Tena ase te se nea okyena wobewu. Sua adee te se nea wobetena ase daa" - Mahatma Ghandi.

Asem a Ghandi kae yi ho nhia YehowavAdansefoɔ ahe biara. Wogyidi se okyena nko ara wiase betumi asse nanso wotena ase te se nea wiase nsee. Wosan gye di se wobetena ase daa nanso mpɛn pii no wode won nwomasua si ntoasoɔ sukuu.

Pew nhwehwɛmu a woyee wo Adansefoɔ 241 daa no adi se na won mu oha mu nkyekyem 12 pe na wowo suapɔn mu abodin (degree). Nea ene no bo abira no Jewfoɔ 843 mu nkyekyem 50 na na wowo abodin koro no a. Wei ye anikasem efise na Yudafoɔ na woye Onyankopɔn nkurɔfoɔ a wapaw won. (Deut 14:2). Ennee aden nti na Jewfoɔ bu nwomasua sen Yehowa Adansefoɔ?

Krataa bi a Yehowa Adansefoɔ Asafo no twereɛ August 15, 2009 bua asem no. Ede asem yi na efi asɛ :

"... yen nuaye kuo na anya kokobo a eye ne bere mu dee afi "akoa nokwafoɔ ne badwemma no" ho afa asiane a,ewo nwomasua a eko akyire ho. Satan wiase yi kyere se nwomasua na ede yiedie ankasa ba. Nanso Yehowa nkurɔfoɔ dee obi honhom fam tebea ne honhom aba a woda no adi na ekyere yiedie".

Kokobo a eye ne bere mu dee? Krataa a ekasa tia nwomasua a wode ba wo sukuu afe no mfiasee pee no nye asem a ene asem hyia keke. Ghana sukuu afe no fi ase August mfimfini kosi n'awieɛ mu ho baabi. Saa bere yi a wotwereɛ krataa yi ye okwan baako a wofa so de kamfo 'akoa' no nwuma. Krataa no toa so se:

"Won a wode mfee pii resua adee wo mmeae a wiase su ahye ho ma no de won ho to asiane bebree mu. Ebi ne wiase adwene a wonya ne wiase no adedodoɔpe su no a ema nnipa pii see sika pii de ko sukuupɔn no.

Kan saa nsem mmienu yi bio.

Dee edi kan, mfee sen na edi na obi anya sukuupɔn abodin (degree). Mpɛn pii no eye mfee nnan. Mmarasua ne aduruye tumi gye mfee pii asen saa. Nanso mfee nnan nye bere tenten koraa. Senea woka 'mfee pii' no ma aforo te nka se ase obi de ne nkwa nyinaa na benya saa abodin no wo 'mmeae a wiase su ahye ho ma' no.

Wei ye sɛdeɛ asem no te ankasa a wakyimkyim no, nnaadaaa ankasa.

Krataa yi twerefoɔ yi kyimkyim nsem de daadaa akenkanfoɔ no bere a eka se ' wiase no adedodoɔpe su no a ema nnipa pii see sika pii de ko sukuupɔn no'. Nnipa pii no ne hefoɔ? So nnipa pii anaa kakraa bi na adedodoɔpe piapia wo ma woko sukuupɔn? Se wode won a woko sukuupɔn toto won a woko 'kollege' anaa ntoasoɔ sukuu ho a wobehu nnaadaa a ewo asem no mu no pefee.

Yere toa so no, krataa no ka se:

" Nnipa pii gye tom se sukuupɔn ye mmeae a akohwibra, atorɔ nkyerɛkyere ne fekubone abu so paa"

'Nnipa pii gye tom'? Na hefoɔ mu na nnipa pii gye saa tom no? Yehowa adansefoɔ mu anaa? Nye saa Yehowa adansefoɔ koro yi ara na wontaa nko sukuupɔn yi? Se wonkoɔ sukuupɔn a, wobeye den ahu se eye "mmeae a akohwibra, atorɔ nkyerɛkyere ne fekubone abu so paa"? Anaase Yehowa Adansefoɔ kakra bi a wokoɔ sukuupɔn no kɔhyia akohwibra, atorɔ nkyerɛkyere ne fekubone? Ebia wobebɔɔ Adansefoɔ a wanko sukuupɔn no nyinaa dee wokɔhyiae no ho amanee. Ebia afei asem no tree te se egya wo Yehowa Adansefoɔ nsafɔ ahorɔɔ mu ara ma 'nnipa pii gye tom'. Nye anibere a wode twereɛ krataa yi a ebia anka wobesusu se eye agoro bi.

Anka metumi atwere pii afa saa **krataa yi** ho nanso nkwasasem aye mu ma ara ma se metwereɛ pii fa ho a ebeye nea nyansa nnim. Nanso me pe se meka nsem nnan yi twa toa:

1. Krataa no twe adwene si twerensem 47 so nanso emu biara nka se sukuuon nye
2. Eka se hokwan a mpanimfo ne asomfo wo no befi won nsa se won anaa won mma ko sukuuon a
3. Eka se Luka ne Paulo sua won nwoma no ansa na worebeye Yesu asuafon. Nanso nka se saafon yi tweree beboron bible no fa. Anokwa se bible no fi Onyankopon ho a, ennee wotua won nwomasua so ka denam ma a womaa wotwerere Apam foforo no fa kесеe no.
- 4 Anikasem ne se bible mu nsem 47 a won fa kae wo krataa yi mu no mu 25 fi saa mmarima nimdefon yi ho.

Nwomasua ye adwene titiri a wobetumi de asesa wiase yi" - Nelson Mandela

Mesre asesa Nelson Mandela asem no aka no se:

"Nwomasua ne adwene titiri a wobetumi de ahu Onen-Aban no nnaadaasem"

Enti sua nwoma. Ahyehyede biara a esi ka mma wommue wo adwene a Onyankopon de ama wo no mfi Onyankopon. Se nimdee ma wo tumi dee a, nimdee a wonni ma adwene no ye mmere paa. Kae wei daa.